

陸士龍文集

四部叢刊初編集部

上海商務印書館縮印江南
書館藏明正德覆宗刊本

陸士龍文集卷第一

晉清河內史陸雲士龍

賦 箴

逸民賦

逸民箴

歲暮賦

愁霖賦

喜霽賦

登臺賦

南征賦

寒蟬賦

逸民賦 并序

富與貴人之所欲也而古之逸民或輕天下細萬物而欲專一丘之歡擅一壑之美豈不以身聖於宇宙而恬貴於紛華者哉故天地不易其樂萬物不干其心然後可以妙有生之極享無疆之休也乃爲賦云世有逸民兮栖遲乎於一丘委天刑之外心兮淡浩然其何求陋此世之險隘兮又安足以盤遊杖短策而遂往兮乃枕石而漱流載營抱魄懷元執一傲物思寧妙世自逸靜芬響於永言滅絕景於無實相荒土而卜居度山河而考室曾丘翳莽穹谷重深穀木振穎葛藟垂陰潛魚泳沚嚶鳥來吟仍踞園於芝薄兮即蘭堂於芳林靡炎威以赴節兮揮天

籟而興音假樂器於神造兮詠幽人於鳴琴挹迴源於別沼兮食秋菊於高岑蒙玉泉以濯髮兮臨澗谷而投簪寂然尸居儼焉山立遵渚龍見在林風戢道綿野以宅心望空巖而凱入明發悟歌有懷在昔賓濮水之清淵兮儀磻溪之一壑毒萬物之誼譁兮聊漁釣於此澤爾乃薄言容與式宴盤桓朝挹芳露夕玩幽蘭彫區外而放志兮春天路而怡顏望靈嶽之清景兮想佳人於雲端悲滄浪之濁波兮詠芳池之清瀾鄙終南之辱節兮題伯陽之考槃聊清霄以寄傲兮泝凌風而頽歎玄微載晏何思何欲漂若行雲之浮泊若窮林之木客有得之必喪兮蓋居龐之名辱彼貪夫之死權兮固遺生以要祿竦戰兢而履水兮祗肅懷以臨谷亮據鼎之無懷兮在顛沛其必渥是故夫形魂者微咎體壯者爲犧雖明文而龍藻兮終俛首而受羈立修名於禍始兮登全生於戾階資朝華之促節兮抱千載之長懷擗考終於遠期兮顯靈根而自摧殉有喪之假樂方無身其孰哀美達人之玄覽兮逸藏器於無爲物有自遺道無不可萬殊

有同齊物無寡並家於國等朝于野榮在此而
貴身兮神居形而忘我欽妙古之達言兮信懷
莊而悅賈憎既明於天爵兮何恨於人禍陋國
風之皇恤同明哲於大雅亂曰乘白駒兮皎皎
遊穹谷兮藹藹尋峻路兮崢嶸臨芳水兮悠齋
繁丘園兮暇豫翳翠葉兮重蓋瞻洪崖兮清輝
紛容與兮雲際欲凌霄兮從之恨穹天兮未泰
詠歡友兮清唱和爾音兮此世

逸民箴

余昔爲逸民賦大將軍掾何道彥大府之俊才
也作反逸民賦盛稱官人之美寵祿之華靡偉
名位之大寶斐然其可觀也夫名者實之實位
者物之寄窮高有必顧之矣溢美有大惡之尤
可不慎哉故爲逸民箴以戒反正焉

浩浩太素制爲兩儀經始君臣朝有俊弼野有
逸民各有攸屆而後品物有倫在昔后帝齊物
達觀賞不假爵教不示勸號謚莫設而生黎淳
晏降迄中古黃象可觀而唐文有煥乃彫乃藻
大樸既散樸之既散萬百熙心形爲寵放神爲
利湣有翹者車命彼在林是故懷玉喪寶而被

褐解襟恬亡智生與世或兢匪智無鑒匪心伊
鏡芒芒禹迹鞠爲塗徑惟是每懷偏彼反正正
反於寵既尸干祿相協厥居而豐其屋祿之既
尸刑爲爾司屋之既豐喪家于官故非據之災
戒之在凶人皆知存之爲存而莫知得之爲喪
榮猶振顛墜若頽荒咎自專寵福在循牆是故
保其安者常危而忘其存者不亡無休爾榮身
寔親名無謂爾崇神期好冲戒彼覆餗冒此棟
隆慎微如顯乃保身以終自古在昔逸民有作
相彼宇宙方之委舄夫豈無不休而好是冲漠
是故名利之災至人攸恪謂予未信無寧監干
桑霍天明既畏神道無親善在求已慶由積仁
無念爾本聿修厥淳執盈如虛乃反天真逸民
司正敢告官人

歲暮賦并序

余祗役京邑載離永久永寧二年春忝寵北郡
其夏又轉大將軍右司馬於鄴都自去故鄉荏
苒六年惟姑與姊仍見背棄銜痛萬里哀思傷
毒而日月逝速歲聿云暮感萬物之既改瞻天
地而傷懷乃作賦以言情焉

夫何乾行之變通兮昏明迭而載路美飛轡之
遠御兮騰六龍於天步時赴節而漸流兮氣移
數而改度揮促節於短日兮振修策於長夜運
攸忽其既周兮歲冉冉而告暮變棘心之柔風
兮滋芰草之湛露玄暉邈以峻服兮黃裳皓而
振素於是顓頊御時玄冥統官天廟既底日月
貞觀淪重陽於潛戶兮嚴徵積陰於司寒日昃
天以減景兮飈衝淵而無瀾堅冰涸於川底兮
白雪隕於雲端普區宇之瘁景兮頻萬物之衰
頽時稟戾其可悲兮氣蕭索而傷心淒風愴其
鳴條兮落葉翻而灑林獸藏丘而絕迹兮鳥攀
木而栖音山振枯於曾嶺兮民懷慘於重襟寒
與暑其代謝兮年冉冉其將老豈顏曄而朝兮
玄髮繁其夕皓感芳華之志學兮悲時暮而難
考遠圖逝而辭懷兮密思集而盈抱美厚德之
溥載兮嘉蕙化之大造恨盛來之苦晏兮悲衰
至之常蚤指晞露而怵心兮衍死生於靡草蒙
時來之嘉運兮遊上京而凱入委乘輅於紫宮
兮剖金虎而底邑憑台光之發暉兮荷寵靈而
來集望故疇之迢遼兮沂南風而頽泣長唯息

而永懷兮感逝物而傷悲哀年歲之攸往兮伊
行人之思歸結隆思於朝日兮綴永念於紀暉
表寸陰而貞吝兮矜盈尺其若遺嗟我行之久
永兮何歸途之茫茫懃遵渚於川盼攸逝兮江
湘處孝敬於神丘兮結祗慕於帷桑瞻山川而
物存兮思六親而人亡問仁姑而背世兮及伯
姊而淪喪尋餘蹤於空宇兮想絕景於遺堂悲
山林之杳藹兮痛華構之丘荒靖深以遐慕兮
思纏綿而懷楚涕垂願以交頽兮哀凌心而洞
駭神尋路而窘逝兮形頻蹙乎其所心悠悠其
若懸兮音既絕而復舉悲人生之有終兮何天
造而罔極仰悲谷之方中兮顧懸車而日異百
年迅於分嗟兮千歲疾於一息詠大椿之萬祀
兮同蟪蛄於未識歲難倖而易逝兮情艱多而
泰寡年有來而棄子兮時無算而非我祗生心
於日順兮雖呼翕其難假攝魄生於逆旅兮欲
淹留其焉可彼鑒寐之有時兮亦始卒之固然
舒遠懷於千載兮悵同感乎中山鑒通人之炯
戒兮懼晏平之達言啓貞心以自賈兮覽遺籍
而問道亮爽鳩之既徂兮故營丘之有紹在吾

儕之陋心兮豈取樂於東表苟長生而自得兮
將奚待而有天考大德於天地兮知斯言之益
矯

愁霖賦

永寧三年夏六月鄴都大霖旬有奇日稼穡沉
湮生民愁瘁時文雅之士煥然並作同僚見命
乃作賦曰在朱明之季月兮反極陽於重陰興
介丘之膚寸兮墜崩雲而洪沉谷風扇而攸遂
兮苦雨播而成淫天決滌以懷慘兮民頓蹙而
愁霖於是天地發揮陰陽交烈萬物混而同波
兮玄黃浩其無質雷憑虛以振庭兮電凌牖而
輝室雷鼎沸以駭奔兮潦風驅而兢疾豈南山
之暴濟兮將冥海之颺溢隱隱填填若降自天
高岸渙其無涯兮平原蕩而爲淵遵渚回於凌
河兮黍稷什於中田匱多稼於億頃兮虛風敬
於祈年外薄郊甸內荒都城陰無晡景雷無輟
聲纖波靡於前途兮微律隔於峻庭紛雲擾而
霧塞兮漫天頽而地盈於是愁音比屋歎發屢
省陽堂之暉朗室無景望曾雲之萬仞兮想白
日之寸脛感虛無而思深兮對寂寞而言靖毒

甚雨之未晞兮悲夏日之方永瞻大辰以頽息
兮仰天衢而引領愁情沉疾明發哀吟永言有
懷感物傷心結南枝之舊思兮詠在鳥之遺音
美并彼之歸飛兮寄予思乎江陰渺天末以流
目兮涕潺湲而沾襟何人生之倏忽痛存亡之
無期方千歲於天壤兮吾固已陋夫靈龜矧百
年之促節兮又莫登乎期頤哀戚容之易感兮
悲懽顏之難怡考傷懷於衆苦兮愁豈霖之足
悲雲臺臺而疊結之兮雨淫淫而未散晞朱陽
於崇朝兮悲此日之屢晏劾豐隆於岳陽兮執
赤松於神館命雲師以藏用兮絀乘龍於河漢
照濛汜之清暉兮炳扶桑之始旦考幽明於人
神兮妙萬物以達觀

喜霽賦

余既作愁霖賦雨亦霽昔魏之文士又作喜霽
賦聊廁作者之末而作是賦焉
毒霖雨之掩時兮情懷憤而無懌肅有禱於人
謀兮反極陰于天律靖屏翳之洪隧兮戢大山
之觸石凌風絕而謐寧兮歸雲反而揮霍改望
舒之離畢兮曜六龍於紫閣揚天步之剡剡兮

播靈輝之赫奕於是朱明自皓凱風來南復火

正之舊司兮黜后土於重陰夷中原之多潦兮

反高岸於蒿岑萎木疎而振頽兮偃木堅而成

林嘉大田之未墜兮幸神祇之有歆爾乃俯順

習坎仰熾重離兼明暢而天地曄兮羣生悅而

萬物齊魚凌淵以增躍兮鳥林而朝隲戢流

波於枉水兮起芳塵於沉泥朱光播於甕牖兮

素景衍乎中閨天監作照幽明畢覲普厥有懼

覃及四國翕萬情而咸喜兮雖無獲而自得災

未及周和斯有祥翼翼黍稷油油稻糧望有年

於自古兮晞隆周之萬箱原思悅於蓬戶兮孤

竹欣於首陽陰陽交泰萬物方遒炎神送暑素

靈迎秋四時逝而代謝兮大火忽其西流年冉

冉其易頽兮時靡靡而難留嗟沉哀之愁思兮

瞻日月而增憂感年華之行暮兮思乘煙而遠

遊命海若以量津兮吾欲徃乎瀛洲臨儀天之

大川兮凌懷山之洪波瞻增城之峻極兮仰蓬

萊之嵯峨望王母於弱水兮詠白雲之清歌雖

嘉命之未錫兮將輕舉於流沙振仙車之鳴鸞

兮吐玉衡之八和託芝蓋之後乘兮食瓊林之

朝華修無窮以容與兮豈萬載之足多

登臺賦

永寧中參大府之佐於鄴都以時事巡行鄴官

三臺登高有感因以言崇替廼作賦云

承后皇之嘉惠兮翼聖宰之威靈肅言而述業

兮乃啓行乎北京巡華室以周流兮登崇臺而

上征攀凌坻而遂陞兮迄雲閣而少寧爾乃佇

眄瑤軒滿目綺寮中原方華綠葉振翹嘉生民

之豐登兮望天啓之茗茗歷王階而容與兮

蘭堂以逍遙蒙紫庭之芳塵兮駭洞房之迴殿

頽嚮逝而迂物兮傾冠舉而凌霄曲房榮而窈

眇兮長廊邈而蕭條於是迴路季夷遽宇玄芒

深堂百室曾臺千房闢南牕而蒙暑兮啓朔牖

而履霜遊陽堂而冬溫兮步陰房而夏涼萬禽

委蛇於潛室兮驚鳳矯翼而來翔紛譎譎於有

象兮邈攸忽而無方于時南征司火未明鬱遂

縣車式徐曜靈西墜暑乘陰而增炎兮景望淵

而曖昧玩宇而情廢兮覽八方而思銳陋雨館

之常規兮鄙鳴鵠之蔽第仰凌眇於天庭兮俛

旁觀乎萬類北溟浩以揚波兮青林煥其典蔚

扶桑細於毫末兮崑崙卑乎覆簣於是忽焉俛仰面天地既必宇宙同區萬物爲一原千變之常鈞兮齊億載於今日彼區中之側陋兮非吾黨之一室本達觀於無形兮今何求而有質於是聊樂近遊薄言儻伴朝登金虎夕步文昌綺疏列於東序朱戶立乎西廂經綈曄以披藻兮椒塗馥而遺芳感舊物之咸存兮悲昔人之云亡憑虛檻而遠想兮審歷命於斯堂於是精疲遊倦白日藏輝鄙春登之有情兮惡荆臺之志歸聊弭節而駕言兮悵將逝而徘徊感崇替之靡常兮悟廢興而永懷隆期啓而雲升逝運靡其如頽長發惟祥天鑒在晉肅有命而龍飛今躡重斯而肇建嘉有魏之欽若兮鑒靈符而告禪清文昌之離宮兮虛紫微而爲獻委普天之光宅兮質率土之黎彥欽哉皇之承天集北顧於乃眷誕洪祚之逮期兮則斯年於有萬

南征賦并序

太安二年秋八月奸臣羊玄之皇甫商敢行稱亂逼乘與天子蒙塵于外自秋徂冬大將軍敷命群后同恤社稷乃身統三軍以謀國難自

義聲所及四海之內朔漠之表蒸徒羸糧而請奮胡馬擬塞而思征四方之會衆以百萬軍旅之盛威靈之著自古已來未之有也粵十月軍次于朝歌講武洽戎以觀兵于殷墟於是美義征之舉壯師徒之盛乃作南征賦以揚臣霸之勲云爾

有皇晉之霸后資濬哲之獻聖崇文德於緝熙濟武功而保定應天鑒之昭華荷帝祐之休命步王衡以觀八方在旋璣而齊七政芒芒神道化洽崇深叩戾天飛俯洞淵沉振南箕以鼓物冒慶雲而崇蔭天維以籠卍廓宇宙而宅心濟博施之厚德鏗希聲之大音淵澤回而泣注豪彥萃而爲林九服惟清諸夏謐靜肅慎回首沙漠引領天和時降地靈夙挺結芳林之奇幹珍禾之神穎勵修德於億兆端澄形於萬景在中葉之不競遭皇家之毒亂悲國步之未夷仰風興而昧旦括無方而大誥集率土而貞觀致天屬於王畿肅有征而省難爾乃建黃鉞之靈威樹戎輅之高蓋伐隱天之雷鼓振凌霄之電旆介天揮戈而夙興輕武摠干而啓萬振靈

韶之嘈嘈飛旛旄之藹藹虹旃沂風以委蛇霓旄紫光而容裔公徒十萬其會雲興悠悠華戎時罔丕承爾乃命屏翳以夕降式飛廉以朝升塗蒙雨而復清景帶天而光澄陪武臣於彫軒列名僚於後乘猛將起而虎嘯商飈肅其來應士憑威而嚮駭馬獻天而景凌臨川屯於廣陸武騎被乎中陵類馮比京師徒經始相相先征在河之湊順彼長道懸旌千里美王師之遵時茂七德而發止爾乃稅駕殷墟我徒既閑順時

講武簿狩于原紛同方而類聚煥副翼而明分祇明刑以誓衆習軍政於舊聞儼山立以崇蒼粲煙駭而興紛若冥海之引回流岱靈之吐行雲于時玄冬首時陰風戒然山澤含哀天地肅又開夜列以澄清中原曠而曖昧戎士肅而咸戒三軍紛而雜還長角哀叶以命旅金鼓隱旬而啓伐景凌冥而四播音乘雲而上逝火烈具舉伐鼓淵淵朱光俛而丹野炎暉仰而絳天曜靈翕赫以增熾憤氣睥睨而凌煙狂飈起而妄駭行雲藹而千眠旌旆翻其猗靡驚燦燦而嬋娟爾乃洪音雷漬問尅廣凌雲發揮萬里振

響聲馮虛而天回烈駭而地蕩映皓月而望舒闇照重昏而大夜朗服縣炎揚而晃儵飛烽戢煜而決渰乃有熊羆之旅虓闕之將雄聲泉涌逸氣風亮超三軍以奔厲賈餘勇而成壯壯洪音於寂漠先無形而高唱紛若屯雲渙若積波遁陰景靜言勿譁絕倡寂其既收萬夫翁而咸和嚴鼓隱而重戒景燧燁而星羅烈蒙陰而叩假曜憑陽而登遐若扶桑之振華葉皓天之散朝霞超燭龍之絕景豈比象於百華

寒蟬賦并序

昔人稱鷄有五德而作者賦焉至於寒蟬才齊其美獨未之思而莫斯述夫頭上有綏則其文也含氣飲露則其清也黍稷不食則其廉也處不巢居則其儉也應候守節即其信也加冠冕取其容君子則其操可以事君可以立身豈非至德之虫哉且攀木寒鳴貧才所歎歎余昔僑處切有感焉與賦云爾

伊寒蟬之感運近嘉時以遊征含二儀之和氣稟乾元之清靈體貞精之淑質吐嚅嗟之哀聲希慶雲以優遊遁太陰以自寧於是靈岳幽峻

長林參差爰蟬集止輕羽涉池清澈激德音
孔嘉承南風以軒景附高松之二華黍稷惟馨
而匪享竦身希陽乎靈和喉乎其音翩乎其翔
容麗蜩蟬聲美宮商處如飛歟之遺驚風眇如
輕雲之麗太陽華靈鳳之羽儀清皇都乎上京
跨天路於萬里豈蒼蠅之尋常爾乃振修綏以
表首舒輕翅以迅朝華之墜露含煙煇以夕食
望北林以鸞飛集樛木以龍蟠彰淵信於嚴時
稟清誠乎自然翩眇微妙綿寶其形翔林附木
一枝不盈豈黃鳥之敢希唯鴻毛其猶輕憑綠
葉之餘光哀秋華之方零思鳳居以翹竦仰矜
立而哀鳴若夫歲聿云暮上天其涼感運悲聲
賁士含傷或歌我行永久或誄之子無棠原思
嘆於蓬室孤竹吟於首陽不銜子以穢身不勤
身以營巢志高於鳴鳩節妙乎鷗鷯附枯枝以
永處何瓊林之迥脩惟雨雪之霏霏哀北風之
飄颻既乃彫以金采圖我嘉容珍景曜爛曄曄
華慧奇侔黼黻艷比袞龍清和明潔群動希蹤
爾乃綴以空曷增成首飾纓綈翩紛九流容翼
映華虫於朱袞表馨香乎明德於是公侯常伯

乃紆紫轂執龍淵俯鳴珮王仰撫貂蟬袞黃廬
之多士光帝皇之待人既騰儀像於雲闡望景
曜乎通天邁休聲之五德豈鳴鷄之獨珍聊振
思於翰藻闡令問以長存於是貧居之士喟爾
相與而俱嘆曰寒蟬哀鳴其聲也悲四時云暮
臨河徘徊感北門之憂殷嘆辛歲之無衣望泰
清之巍巍義思希光而無階簡嘉蹤於皇心冠神
景乎紫微詠清風以慷慨發哀歌以慰懷

陸士龍文集卷第一

二俊文集以慶元六年二月既望書成縣學職
事校正監刊者三貞題名于後

縣學司訓進士朱奎監刊

縣學直學進士孫垓校正

縣學學長鄉進士范衮同校

陸士龍文集卷第二

晉清河內史陸雲士龍

詩

四言失題

征西大將軍京陵王公會射堂皇太子見
命作一首

大將軍宴會被命作一首

大尉王公以九錫命大將軍讓公將還京

邑祖餞贈一首

太安二年夏四月大將軍出祖王羊二公

於城南堂皇被命作一首

從事中郎張彥明爲中護軍一首

贈顧驃騎後二首

贈汲郡太守

四言失題

前八章
後六章

悠悠縣象昭回太素清濁迭興升降度遺和
既爽季春告暮朱明來思青陽受煦

其一

日征月盈天道變通大初陶物造化爲功四月
惟夏南征觀方凱風有集飄飄南憲思樂萬物

觀異知同

其二

有奄萋萋甘雨未播黍稷方華中田多稼庭槐
振藻園桃阿薄言觀物在堂知化

其三

蓬戶惟清玩物一室明發有懷念昔先哲通夢
幽人彷彿遺烈清暉在天孰與永日

其四

乃啓遺籍思予大觀幽居傲物顧景怡顏况惟
解舞衡門重關思媚古人有懷良盤沉曦含輝

其五

芳烈如蘭厥初生民有物有類自古有稱大寶以位征徒
式好俊奔攸遂啓予有聞謨爾達貴

其六

達貴伊何天爵無榮渾大味混其濁清毀方
遁象遺頑履貞道實藏器景以昭形

其七

芒芒陋世奚競奚錯牧彼紛華委之冲漠漂志
垂天矯心馮閣通好莊聃儀形有作安得達人

其八

顧予命薄思樂芳林言采其蒨衡薄遵塗中原有菽登彼

修辭在林寤宿彷彿佳人清顏如玉

其一

予美亡比誰爲適道容與侯之玄髮方皓躑躅
山阿玩此芳草願食其穎庶以遺老

其二

慶曆嘉時飄忽棄予有瞻逝深水嘆潛許登願
扶桑仰結飛暑伊人匪存遺芳孰與

其三

精氣爲物或降或升但落攸往神奇有登死生
爲徒存亡曷勝謂予不信遺藉有徵

其四

閑居外物靜言樂幽繩樞增結篋牖綢繆和神
當春清節爲秋天地則爾戶庭已悠

其五

嗟我懷人悠悠其潛念昔先烈有懷所欽駭情
玩世堂允南金瓊輝邈矣誰適爲心明發典言
忼慨芳林

其六

征西大將軍京陵王公會射堂皇太子

見命作此詩

芒芒大極玄化炯煜頽形成器凌象垂文大鈞

造物庶類群分先識經始實綜彝倫

其一

惟岳隆周生甫及申天監在晉作之降神邇矣
遐風茂德有隣永言配命唯晉之鎮

其二

厥鎮伊何實幹心膂文教內輔武功外禦淮方
未靖帝曰攸序公于出征奮有南浦

其三

南海既賓爰戡干戈桃林釋駕天馬婆娑象齒
南金來格皇家絕音協徽宇宙告和

其四

玄綱峻極天罔既紘文武方升允茲兼弘義義
高夏有肅其涼公侯戾止駉驥龍驤善問如林
在會鏘鏘祝融銜節火正緝熙凱風徘徊萬物
欣時秩秩初筵薄言在茲嘉福介祐萬壽無期

其六

大將軍宴會被命作此詩

皇皇帝祐誕隆駢命四祖正家天祿保定徽哲
惟晉世有明聖如彼日月萬景攸正

其一

巍巍明聖道隆自天則分明喪觀象洞玄凌風
叶極絕輝照淵肅雍往播福祿來臻

其二

在晉軒臣稱亂紫微神風潛駭有赫茲威靈旗
樹旆如雷斯揮致天之屈于河之沂有命再集
皇輿凱歸

其三

額網既振品物咸秩神道見素遺華反質展畧
重光協風應律函夏無塵海外有謐

其四

芒芒宇宙天地交泰王在華堂式宴嘉會玄輝
峻朗翠華崇藹冕弁振纓藻服垂帶

其五

祁祁臣僚有來雍雍薄言載考承顏下風
嘉客仰瞻王容施已唯約于禮斯晝天錫難老
如岳之崇

其六

太尉王公以九錫命大將軍讓公將
還京邑祖餞贈此詩

列文辟公時惟哲王闡縱絕期平顯幽光內寶
慎徽緝熙有臧出紉方懸間督不揚高山峻極

天造茫茫

其一

天子念功大典光備肅肅王命宰臣莅事穆矣
淵讓遺功遂志思我遠猷微音執嗣

其二

后命既靈王人反旆興言出祖飲餞于邁於旒
泱泱軺軒藹藹和風弭塵清暉映蓋

其三

思樂中陵言觀其川公王戾止有車轉轡伊誰
云饗我有嘉賓羽觴舉酬酢爾征人

其四

悠悠征人四牡騤騤發軔北京振策紫微昔乃
云來春林方輝歲亦暮止之子言歸道途興應

其五

聖澤既渥嘉會惜惜庭旅鍾鼓堂有瑟琴飛轡
清暉扶桑移陰飄抵慕揮袂沾襟變彼同栖悲
爾異林我有旨酒以歌以吟

其六

大安二年夏四月大將軍出祖王羊二
公於城南堂皇被命作此詩

時文唯晉天祚有祥聖宰作弼受言既威有赫
斯庸勳格昊蒼景物台暉棟隆玉堂

其一

惟常思庸大興光迪聖敬遠濟神道玄逸思媚
三靈誕膺天篤嘉命既辱王人言告

其二

翼翼主人言告惟慕公與駕言乃春斯顧華旂
飛藻鳴鸞振路駢駢駟牡嘯天載步

其三

我有高夏如雲斯蒼彫軒戾止薄言嘉會問誰
在宴惟俊惟又豐俎殷薦獻酬交泰

其四

攸攸昊天南正興言朱明有曄萬葉翠繁昌雲
垂天凱風熙顏王臣在此昭宴于懽

其五

懸象西顧虞淵納景嘉樂未晞駕已整行矣
征人身乖路永飛驟顧懷華蟬引領遺思北京
結轡臺有

其六

贈顧驃騎後二首

有皇美祈陽也祈陽秉文之士駿發其聲故能
明照有異入顯乎晉國人美之故作是詩焉
有皇大晉時文憲章規天有光矩地無疆神篤

斯祐本顯克昌載生之雋實惟祈陽哲問宣猷
考茂其相

其一

於鑠祈陽誕鍾天篤清輝龍見玄猷淵嘿沉機
響駭幽神廣覲和以同人歸物時育有大惡盈
譙以自牧思我懿範萬民來服

其二

吳未喪師天秩有庸淵哉若人弱冠休風俯翼
黃門以德來忠端秀蕃后正色儲宮徵音鑠頤
邈矣遐踪

其三

皇維南終舊邦匪散委弁釋位如龍之潛考槃
穹谷假樂豈林子雖藏器鍾鼓有音惠風往敬
慶問來尋

其四

濟濟元公相惟天子明明辟王思隆多士帝曰
欽哉有命集止我咨四方令問在爾以朕大賚
乃膺嘉祉率來胥步觀國之紀

其五

惟皇建極緝熙清曜我有峻民明德來照大觀
在上主假有廟顯允顧生金聲玉振之子于升
利見大人龍輝絕跡有肅清塵

其六

清塵既彰朝虛好爵敬子侯度慎微百辟子聞
有命德禮不易嗟我懷人瞻言永錫豈祐東法
惟子之績

其七

遵法涉泗言告同征勁風宵烈湛露朝零雲垂
藹下泉冽清冷哀哉行人感物傷情從子京邑
言觀厥成天保祚德式穀以寧 其八

思文美和陽也祈陽能明其德刑于寡妻以至
于家邦無思不服亦賴賢妃貞女以成其內教
故作是詩焉

思文和陽和陽克峻天錫溥淑宣茲義問德音
既烈海外有奮既奮斯音祇敬厥德照治其家
覃及邦國永肇儀刑俾民惟則 其一

文王在上大娣思齊魯侯克昌亦賴令妻鑒神
有顧頻繁在斯和陽載天作之伉儷

其二
在虞之胄實惟有姚穎艷王委華茂桃夭居顯
祇明在靈格幽清塵熠燿淑心綢繆爰及和陽

惟德之周 其三
其德伊何和貞虔告師民履素言謀慮度鐘鼓

思樂靖端風效考休攸嬪來嫁于顧 其四

羔羊執贄王帛有輝百兩集止之子于歸宗姻
風從娣姪雲回和陽顧之煥其盈闡

其五
既日歸止式揚好音言觀河洲有集于林思樂
葛藟薄采其葢疾皮攸遂乃孚惠心

其六
惠心既孚有恪中饋敦此衆斯永錫嗣類載延
窈窕用和寤寐神之聽之胤祚來爾

其七
昔周之隆有娣如有內刑聖敬外崇多士今我
淑人實亮君子疊疊翼翼亦繼斯祉宜爾子孫
福祿盈止 其八

從事中郎張彥明爲中護軍并敘
吳世都爲汲郡太守客將之官大將軍崇賢之

德既遠而厚下之恩又隆非此離析有感聖皇
既蒙引見又宴于後園感鹿鳴之宴樂誅魚藻

之凱歌而作是詩

思文有聖歡哲配天功濟生黎道合上玄休命
發揮有集惟賢哲彼寤宿澄此在淵

其九
濟濟多士實播令聞王曰欽哉余嘉乃勲徽音
孔碩惠爾風雲穆此芳烈肇揚清芬

其二

肅肅庶僚，衮服寵暉。肇被挑虫，假翼翻飛。出撫邦家，入翔紫微。有命既集，願言永違。

其三

思樂華堂，雲構崇基。公王有酒，薄言饗之。景曜微芒，芳風詠時。宴爾賓儉，具樂于茲。

其四

豐豐我王，豐恩允藏。我客戾止，飲酒公堂。自彼下僚，聿來有光。悲矣永言，指塗逝將。形違殿閣，

其五

景附華房

開國承家，勿用小人。今我聖宰，實蕃斯仁。凌淵龍躍，披林鳳振。正直既好，嘉禮陳振。我遠德歸于時民。

其六

贈汲郡太守

於穆皇晉，豪彥實蕃。天罔振維，有聖貞觀。鳴鳥在林，良駿即閑。萃俊又時，亮庶官。

其一

抑抑奚生，天篤其淳。芳穎蘭揮，瓊光玉振。沉機照物，妙思考神。思我善問，觀德古人。

其二

善問伊何，惠音孔韶。肇允衡門，翻飛宰朝。肅雍芳林，芬響凌霄。穆矣和風，育爾清休。

其三

亦既有試，出宰邦家。之子于行，民固謳歌。風澄俗儉，化靜世波。芒芒既庶，且樂于和。

其四

我有好爵，既成爾服。入贊崇華，遂登帷幄。時文聖宰，天祚方穀。朔風微止，鴻漸雲嶽。

其五

悠悠斯民，三代直道。我求明德，惟奚攸考。緝熙暉章，天祿來保。惠心無競，豐化有造。

其六

樂只君子，茂德攸綏。嗟我懷人，式是言歸。聿言來集，如翼斯揮。日予不惠，照爾清輝。

其七

職思既殊，亦各有司。念我同僚，悲爾異事。之子之遠，悠悠我思。雖無贈之歌，以言志。

其八

陸士龍集卷第二

陸士龍文集卷第三

晉清河內史陸雲士龍

詩

兄平原贈 贈鄭曼季往返八首

贈顧尚書一首

贈顧彥先一首

答顧秀才一首

答大將軍祭酒顧令文一首

答吳王上將軍顧處微一首

贈鄱陽府張仲鷹一首

孫顯世贈并答 失題二首

兄平原贈 并序

余弱年夙孤與弟士龍銜卹喪庭續會逼王命
墨經即戎時並縈髮悼心告別漸歷八載家邦
顛覆凡厥同生彫落殆半收迹之日感物興哀
而龍又先在四時迫當祖載二昆不容逍遙街
痛東徂遺情西暮故作是詩以寄其哀苦焉
於穆予宗稟精東嶽誕育祖考造我南國南國
克膺寶繇洪績惟帝念功載繁其錫其錫惟何
玄冕衮衣金石假樂旋鉞授威匪威是信稱平

遠德奕世台衡扶帝紫極

其一

駕生三昆克明克俊遵塗結轍承風襲問帝曰
欽哉纂戎裂祚雙組式帶綬章載路即命荆楚
對揚休顧肇敏厥績武功聿舉煙煴芳素綢繆
江潏昊天不吊胡寧棄予

其二

嗟予人斯胡德之微關彼遺軌則此頑遠王事
匪監旄旆屢振委籍舊戈統厥征人祈祈征人
載肅載閑駉駉戎馬有 有翰昔予翼考惟斯
伊撫今予小子繆尋末緒

其三

有命自天崇替靡常王師乘運席江卷湘雖
守守從武臣守局下列警彼飛塵洪波雷擊
與衆同泯巖跋西夏收迹舊京俯慙堂構仰悽
先靈執云忍媿寄之我情

其四

伊我俊弟咨爾士龍懷襲瑰璋播殖清風非德
莫懃非道莫弘垂翼東畿耀穎名邦綿綿洪統
非爾孰崇依依同生恩篤情結義存並濟胡樂
之悅願爾偕老携手黃髮

其五

昔我西征扼腕川湄掩涕即路耀袂長辭六龍
促節逝不我待自往迄茲曠年八祀悠悠我思
非爾焉在昔並垂髮今也將老銜哀茹感歎